

Lokal forskrift om rett til å føre tilsyn med bygg, område m.m. i Hareid kommune

Fastsett av Hareid kommunestyre i sak nr. .../... den2022 av medhald i lov av 14. juni 2002 nr. 20 om vern mot brann, eksplosjon og ulykker med farleg stoff og brannvesenet sine redningsoppgåver (brann- og eksplosjonsvernlova) § 13 fjerde ledd.

§ 1 Føremål

Den lokale forskriften skal bidra til å førebygge brann i nærmere bestemte bygg eller område som ikke omfattast av brann- og eksplosjonsvernlova sine reglar om særskilde brannobjekt.

§ 2 Verkeområde

Den lokale forskriften gjeld for følgjande bygg og område i Hareid kommune:

- Omsorgsbustader; bustader som er tilrettelagt av kommunen for pleie- og omsorgsføremål, der beboarane har behov for assistanse til å evakuere bustaden ved ein brannsituasjon.
- Bygg som vert nytta av fire eller fleire personar med behov for assistert rømming.
- Utleigebustader – både kommunale og privateigde.
- Bustader og bygg som vert brukt til asyl- og flyktningmottak.
- Bygg og campingplassar innanfor områder med særleg fare for brannsmitte. Dette gjeld fortetting av trebygg, campingvogner, bobilars og telt i enkelte område der sikringstiltaka for å unngå spreiing av brann til nærliggande bustadeiningar samtidig står fram som mangelfull.

§ 3 Gjennomføring av tilsynet

Tilsyn med bygg, område som følgjer av § 2 skal verte gjennomført kvart 4. år eller etter eigen særskild risikovurdering av det enkelte objekt eller objektgruppe. Normalt skal tilsyna verte varsla i god tid. Uvarsla tilsyn kan gjennomførast ved behov.

Det skal gjennom tilsynet verte vurdert om der er føremålstenleg å la krava til særskilte brannobjekt i forskrift om brannførebyggande tiltak og tilsyn gjelde heilt eller delvis

§ 4 Tilsynsmynde

Det lokale tilsynsmynde slik den følgjer av brann- og eksplosjonsvernlova § 32, kan føre tilsyn med bygg, område, m.m. som følgjer av denne forskrifta § 2. Det mynde som er lagt til kommunestyret er normalt delegert til leiar av brannvernet.

§ 5 Sikringstiltak og pålegg

Det lokale tilsynsmynde kan gi pålegg om retting av avvik i høve til gjeldande lovgiving eller gjennomføring av naudsynte sikringstiltak i medhald av brann- og eksplosjonsvernlova §§ 14 og 37.

§ 6 Klage

Vedtak gjort av lokalt tilsynsmynde i medhald av denne forskrift kan påklagast etter brann- og eksplosjonsvernlova § 41, andre ledd.

§ 7 Forskrifta trer i kraft

Forskrifta trer i kraft straks.